

**Baluwa wa mambwa nino
Petele
akpika ndi
Likpumuuka la mambwa**

Baluwa wa mambwa nino Polo ukpikilya ndi bakilisito ba bagudu kubukumuti ba Azia nima. Ngingo yi nino Yeso a ndi mino ka obili yi nima, bakpakanaga ndi na Petele. Niyo Yeso asa obili yi nima, Petele a ndi atatumbwa ka Bayuda. Bugyogyisa ndi bakilisito bi nibo ukpikilya ndi bo kuge kye babinikyana ndi Mombukwonodosu Yeso-Kilisito.

Kinili, Petele ukpikilya ndi kaubikya be bigwinonogi yapa ka baya kye bageu batu ba mambwa kaigyogyiso. Ubikya ndi goni be Yeso nino babinikyana ndi iyi nino, bagyogyisatu ndi mbeyi kadwe ku kwa ku bamwo ndi mino. Niyo akabikya be bakiko kaigyogiso, okwononi biki na limbengi linda abe iyi. Utumbulyaga ndi goni beyo obili kabu okwononi mino kaiko luga ka batu nibo bakapagigu Kunzi.

Yigbananaga ya kitabu ka 1 Petele niyi:

Yuuso 1:1-2

Baya yapa 1:3-12

Obili wotu 1:13-2:17

Kilisito inatu yigyogyiso 2:18-25

Bakilisito na yigyogyiso 3:1-4:19

Beyo yigya ka bangama ka batu nibo
babinikyana okwononi mino kaiko 5:1-11

Yuuso ya mulibo 5:12-14

Yuuso

¹ Imi Petele atutumbwa ka Yeso-Kilisito no nukpikilyi batu nibo Kunzi upunaga ndi. Batu bi nibo bomisikono kuwa abe bobiko ka bewili baya Poto, Galatia, Kapadokia, Azia na Bitinia.

² Obosu Kunzi amupunogoni ndi kambwa aka beyo abikya ndi mino. Limbengi-Lotu amuteni ndi di kaiko batu kaki, kaiko kagya mutuu ka Yeso-Kilisito na kaiko bitu pisi ka bangwa kaki.

Kunzi amudukilyi iziyo, amupa maziyo mudingi.

Mutamanagi nimu apaga obili

³ Tabibisini Kunzi, abaki Mombukwono-dosu Yeso-Kilisito! Pisi ko kumbu kaki yo atipa mino obili wambiya, kye apupisa ndi Yeso-Kilisito ka mbuku. Kinili ta mino na mutamanagi nimu apaga obili,

⁴ takwanana kainisa na makpumu ka nimu Kunzi obuulyaga ndi ko bulya ka batu kaki kugu wa lisyε. Makpumu ka mi nimu kakwananigu kapo ikani kaputikana ikani kolimiko yi.

⁵ Mufongoni beyo mo mino kabailya yo, a no ngu kamubuulyogo ko bulya muhukuso. Muhukuso mi nimu imibisikoso ndeke ka lisyε la mupipilo.

⁶ Kinili mabutumo na magyagya gutugu beyo mo mino kaigyogyisa ko ngbinga mukede na bopisi dididi.

⁷ Yigyogyiso yi niyo a ko bulya ya kibisikoso izangiya ya baya kunu. Kika kani bakongogo olo ninu a luki liputikana ko buku kaiba be a wanza, a abe baya kunu niyo a na izangia kugbe a mino kakitanaga ka buzū mufongoni abe olo. Kinili

Kunzi abibisa ndeke, adondisyo na abisa kugu, mutwa wa baya ya linguu wa Yeso-Kilisito oduku ndeke mino.

⁸ Mapagatu Yeso, gutugu beyo makanaminigu mino yo. Mabinikyononi gutugu beyo aka yo ma keggu mbeyi mino kamina mbiya wanu. Kinili mokogwa magyagya mudingi nimo mumbanzu kakwananigu kozukogo.

⁹ Mokogwa magyagya kye minisoni na muhukuso, nimo a mukalya ma baya kunu.

¹⁰ Bogyalandu bakisa ndi, bakpima buwobi-buwobi bulyo muhukuso mi nimo. Babikyaga ndi kambwa mongoni ko bulya apeepe nino Kunzi amuwanyaga ndi.

¹¹ Bakisa ndi yapu kandunga ngbingo na pisi tino yo likpamuka nilo Limbengi ka Kilisito abikya ndi, akwanana mino kaigyonoso. A beyo, Limbengi li nilo a ndi kuso kabu, abikyaga ndi kambwa aka beyo Kilisito igyogyisa ndeke mino, na beyo ibiba kaki akwanana ndeke mino kodoku kumbuso yi.

¹² Kunzi umibisa ndi bogyalandu be Mongoni Manza mi nimo upa ndi, keggu ndi ko bulya kabu bikpe, luki limoti a ndi ko bulya kunu. Mbiya wanu, babibikya ba Mongoni Manza bamubikyaga ndi likpamuka li nilo pisi ko ngu ya Limbengi-Lotu kotukyoku kugu wa lisyu. Gutugu bamalaika aka bikpe, ba goni na musasa kaibo yi.

Wikoni bitu pisi ka yigya kunu

¹³ Kinili, okwononi kaiko bakitulya ka ligubo, wikoni bufisi. Bisoni mutamanagi kunu ko

bulya apere nino minisono ndeke na iyi wa Yeso-Kilisito odoku mino.

¹⁴ Mubongoni Kunzi, makikonitogu bata na masasa manye nimo mikaga ndi na imu ka bundeli, wa mikaga ndi mino ko biti.

¹⁵ Luki limoti, wikoni bitu pisi ka yigya kunu yasi, madongoni begoyo Kunzi nino amamakaga a mino bitu.

¹⁶ A beyo, Mofiso ko Kunzi abikya be: «Wikoni botu kye imi na wotu.»

¹⁷ Ka malamba kunu, mamakaga Kunzi be Baba, mutu yi nino usombisaga batu basi ka bungbingbili kabyenene na lasi nilo mutu yikaka-yikaka ogyi. Kinili, ka masye mi nimo amutigyolyi ka obili wanu, wonisiloni pisi ka yigya kunu be mabangagatu Kunzi.

¹⁸ Makaiba beyo Kunzi amuluwa ndi mino, kamunyogo ka yigya yanyenyeyo niyo botitonu bamuwonisila ndi. Kegu ndi pisi ka makpamuka nimo akwanana kaputikana abe falanga ikani olo.

¹⁹ Luki limoti, makulikanaga ndi pisi ka bangu ya ligabu lapu niyo ka Kilisito. Iyi nino bamwo ndi abe mikya-kondolo nino wanza ni kegu na madili ikani na ipukulu.

²⁰ Kunzi apunaga ndi Kilisito kani kanogyigu obili. Awonisa ndi ko bulya bunza kunu ka bongbingo bi nibana ba mupipilo ba.

²¹ Pisi ku kaki, mabailya Kunzi nino apupisa ndi ka mbuku, apa ibiba. Kinili mobisaga baya kunu na mutamanagi kunu ko Kunzi.

²² Ibunu, mibubisoni pisi kagya likpamuka la lingun, kapanana ka lingun abe bamamaki. Ponononi kugbe luga kunu, na limbengi limoti.

²³ A beyo, mibukutoni nganga ya yiba. Kegu na bababa nibo ba nzuyi ya litombu, luki limoti pisi ka busolo nibo kokwogigu. Busolo bi nibo ni manzina mo ngu na ma benze na benze ko Kunzi.

²⁴ Kyε ikpikaga be:

«Batɔ basi ba abe tonito
ibiba kabu yasi a abe maɔwa,
Tonito kamilaga, maɔwa mi obuukono.

²⁵ Luki limoti, likpamuka ka Mombukwono-dosu Ikogo ka benze na benze.»

Likpamuka li nilo ni Mongoni Manza nimo bamubikyaga ndi.

2

Litalu lo ngu na livanza lotu

¹ Wosoni neki likpamuka lanyε lasi, bokoli, kuboboku, gutugu imi aka na unzinzinya bengeni.

² Wikoni abe bomiki nibo dibukuti mbiya, na musasa ma molungo ma lingun nimo ma likpamuka ko Kunzi bongbinga basi. Makika komwo, makwanana kopingo na kainisono na muhukuso.

³ Kinili, Mobiso ko Kunzi abikya be: «Miboni bunza ka Mombukwono-dosu Kunzi.»

⁴ Mukpudoniku Mombukwono-dosu, litalu lo ngu nilo bambanzu bombimba ndi. Luki limoti

Kunzi opunogoni ndi kye ina be a luki la izangiya kugbe.

⁵ Ibunu widukuloniku abe matamu mongu, iba bopiki na ibunu ndabu ya malumba niyo ya limbengi. Kuso yi miko ligbata ka bokumu botu nibo ba na ligubo kapá Kunzi apee wa Limbengi nino abosilo pisi ka Yeso-Kilisito.

⁶ A beyo, Mobiso ko Kunzi abikya be:
«Napunaga ndi litalu la ligabu lapu nilo osulyogo mubumbe ma ndabu, nobiso ka Siona,
matu nino abailya litalu li nilo kokwigu ndeke suni.»

⁷ Litalu nilo a na ligabu lapu kugbe kunu ka batu nibo mabaya, luki limoti ka nibo bakabailyagu:

«Litalu nilo bopipiko bombimba ndi odonuku kawa litalu lidingi kosulyo mubumbe ma ndabu.»

⁸ Mobiso ko Kunzi abikyatu goni ka pa yagogo be:

«A litalu lisokisogo a goni nilo ligwisisa bambanzu.»

Batu nibo basakaga ndi kye bakapagu ndi kabailya likpamuka ko Kunzi. Kunzi upunaga ndi ibu ka niyo.

⁹ Luki limoti, ma ibunu batu nibo Kunzi upunaga ndi, bokumu ka Ngama, livananza lotu, livananza ko Kunzi. Iyi amupunaga ndi kabikyaga makpamuka manzanza nimo agya

ndi. Iyi nino amumakaga kopupo ko biti na kogulya ka bungbanganya kaki nibo banza.

¹⁰ Ma kegũ ndi kambwa livananza ko Kunzi, luki limoti ma kũwa mbiya wanũ livananza kaki. Kunzi kegũ ndi kamuminyilya kumbu kambwa, luki limoti a kũwa mbiya wanũ kamuminyilya kumbu.

Okwononi kaika na yigya yanza luga ka bengeni

¹¹ Bomika-mama bupakaaa, ma bobiko, mugi kunu kegũ kunũ ka obili. Wibuulyoni na musasa ma nzayi nimo akaulanana na limbengi.

¹² Wikoni na yigya yanza luga ka nibo bakamibigu Kunzi, iba bakamukulyaga gutugu likpumuka lanye aka, biki kaina yigya kunu yanza aka. Kũwa wa gowa, babibisa ndeke Kunzi wa igoku mino.

¹³ Hubongoni batũ bakpũkpũ basi ko bulya ka Mombukwono-dosu. Mubongoni ngama mudingi nino a na bungama kũgũ ka batũ basi,

¹⁴ mũbanga bangama ba bewili. Utikoku ndi bangama bi nibo kaugyogyiso batũ banye basi, na kaubibiso batũ nibo bagyaga likpumuka lanza.

¹⁵ A beyo, Kunzi akapa be wikoni kagya binza iba batũ nibo bakibigu luki na nibo ba bungingi bakikonitogu na nilo babikya.

¹⁶ Obili kunu iki abe batũ nibo bokulikonogoni ka busunzu. Luki limoti, kulikanaga kunu

2:9 2:9 Wanda ko Pupo 19:5-6; Isaya 43:20; Pupo 19:5; Yigilya 4:20; 7:6; Isaya 43:21; 9:1. **2:10** 2:10 Wanda ka Osey 1:6, 9; 2:1, 23, 25.

kikonitogũ abe kutuko kasũma bũnyẽ, wikoni na igya abe bosunzu ko Kunzi.

¹⁷ Hubongoni batũ basi, mũpa bomomonu ba baya, maɓanga Kunzi, maɓanga ngama mudingi.

Yigyogyiso niyɔ Kilisito alya ndi

¹⁸ Ibunu bosunzu, hubongoni bombukwono-donu ka bopisi bayasi. Makubongonitogũ asi niɓɔ aka ɓɔ banza na botombii, luki limoti hubongonito gɔni niɓɔ bũɗiya.

¹⁹ A izangiya kapilya yigyogyiso ka likpũmũka niɓɔ wakogyigũ ko bulya yiɓanga Kunzi.

²⁰ A ɓeyɔ, makika kalya bũma ko bulya bũnyẽ niɓɔ mogyi, ika na izangiya tino? Luki limoti, ɓakamugyogyiso ko bulya yigya yanza kunu, kika kani mopilyini ɓũzũ ɓi, niyɔ a na izangiya yidingi kambwa ko Kunzi.

²¹ Kunzi amũmũka ko bulya yi niyɔ kye Kilisito ɓikpe alya ndi igyogyiso ko bulya kunu. Amũsilya kũwa likingyosi ɓe kye kpokyononi ka masokũ kaki.

²² Kagyagu ndi bũnyẽ, likpũmũka la kũɓɔɓokũ gutugũ limoti aka kopupagu ndi ka mũnokũ kaki.

²³ Niyɔ ɓa ndi katũmbwa, kigisyagu ndi, wa a ndi mino kaigyogyiso, kũlananagu ndi na batũ ɓi ɓegɛyɔ. Luki limoti isa ndi ka maɓokũ ko Kunzi ninɔ akɔgɔ likpũmũka ka ɓungbingbili.

²⁴ Kilisito ɓikpe abinika ndi bũnyẽ kusu ka nzũyi kaki ka mũsalaba. Agya ndi ɓeyɔ kye ifusu tiki abe ɓamanda ko bulya bũnyẽ, tiniso na ɔɓili wongbingbili. Minisono na muhukuso ko pisi ya ɓevidi kaki.

²⁵ A beyo, ma ndi abe bakondolo bubungogo. Luki limoti, mbiya wanu migoniku ka nino a mububulyo kunu na nino akamubuulyogo.

3

Vononi ka bakilisito

¹ Ibunu boko aaa, hubongoni bombunyonu begeyo. Kuwa wa gu wa, batu bagogo luga kabu nibo biko kani bakanoboilyigu likrumuka ko Kunzi, bakwanana koyikono pisi ka igya kunu, gutugu makonzini.

² A beyo, okwononi bini asi igya yanza kunu aka pa imoti na kubangaku.

³ Makokisonitogu kainiso banza asi ka nzuyi aka, abe ka liluluka lo tukatu, kaimokisyo makrumuka ma olo ikani kaimokisyo botu bayanzanza.

⁴ Luki limoti, kisoni yipere bunza ba mutu wa kusu, bunza ba limbengi lawese na la maziyo nibo kakwananigu kapada. Bunza bi nibo a na izangiya yidingi ko Kunzi.

⁵ Kinili ka bundeli boko ba baya nibo bobisa ndi mutamanagi ko Kunzi, sibungusyaga ndi begeyo kani banabanga bambunyabu.

⁶ A abe Sala nino abangaga ndi Abalahamu, anamaka be «Mombukwana-dami.» Makiko kagya bunza beyo, kani makegu kabanga luki, miko bomikaki boko bi.

⁷ Ibunu baluku aaa, wikoni mudongoni begeyo na boko kunu kani manibo ambe ba kegu no ngu abe ibunu. Wikoni na ibu kani manudondisyo kye ibunu na ibu makwanana ndeke kainiso na mukalya ma obili walingunu ka mafoku ko

Kunzi. Gyoni beyo kye kikonitogu no luki nilo akpingba malumba kunu.

Kaigyogyiso ka bungbingbili

⁸ Ka mulibo, ibunu basi wikoni na tamanaga imoti na limbengi limoti. Ponononi abe bomikamuko, wikoni na yigya yanza na yisiso luga kunu.

⁹ Makigisyonitogu bunye ka bunye, gutugu mosikoni aka. Luki limoti, wikoni na manzina ma bubunga kye Kunzi amamaka ndi ko bulya yi, iba amufukilyi bubunga.

¹⁰ Begeyo Mosiso ko Kunzi abikyaga mino be: «Mumbanzu yi ninu apa kaiko na obili wanza, na kaiko na magyagya asi munoku manye, asa likrumuka la kuboboku.

¹¹ Asi likrumuka lanye, agya likrumuka lanza, akisi maziyo, igwinonogo nomu.

¹² A beyo, misa ko Mombukwono-dosu ikaga ka batu bongbingbili, ukanagatu malumba kabu, luki limoti, upilyaga batu banye mugongu.»

¹³ Wani no amugya bunye kika kani ma na kekele kagya likrumuka lanza?

¹⁴ Luki limoti, kika gutugu kani makaigyogyiso ni managya bunza, gwoni asi magyagya aka. Makubongonitogu bambanzu gutugu ikii aka, makombomboyonitogu.

¹⁵ Luki limoti, mubibisoni Kilisito ka mabengi kunu, iyi abe Mombukwono-dosu. Wikogoni bongbinga basi bakitulya kausikisyo

nibɔ biko kamumuuso isi ya mutamanagi nimo ma na imu.

¹⁶ Luki limoti, gyoni beyɔ na limbengi lawesee na la kabangaku. Wikoni na mabengi bingɔ. Makiko beyɔ, nibɔ biko kamunzinzinya yanye ko bulya yigya kunu abe babibya ka Kilisito, bogwa suni.

¹⁷ Kika kani Kunzi oponi be wigogyiso kani wakagya bunza, a binza, kani kegɔ ko pisi yigya bunye.

¹⁸ A beyɔ, Kilisito igyogya ndi nganga yimoti aka ko bulya bunye ka bambanzu. Okwa ndi iyi payaya aka ko bulya ka batɔ banye, kamuluto ko Kunzi. Bamwo ndi ka nzuyi, luki limoti opupo kuwa ndi ka mbuku pisi ka Limbengi-Lotu.

¹⁹ Pisi ko ngu ya Limbengi li nilɔ, aga ndi kakwa ku ka mabengi ka batɔ nibɔ bokwaga ndi. Mabengi mi nimo a ndi ka boloko.

²⁰ Isi yi be mabengi ka bambanzu bi nibɔ bakya ndi kamakana Kunzi wa a ndi mino kabundila na limbengi linda. A ndi ko ngbingo yi ninɔ Nua a ndi mino kabaka ingbolɔ. Batɔ bakese aka bo bahakaga ndi ko tumo. Batɔ bugina aka bogulya ndi ka ingbolɔ.

²¹ Libo li nilɔ a ndi likingyosi la ifatiso niyo akamuhukuso mbiya wanu. Kegɔ yi ko bulya yisukusa mokoku ma nzuyi, luki limoti, ko bulya kakanga Kunzi limbengi langɔ. Ifatiso akamuhukuso kye Yeso-Kilisito opuponi ka mbuku.

²² Iyi ninɔ aga ndi kegɔ wa lisyɛ, a ka kambanzikaniko ko Kunzi. Ku beyɔ, a ngama ka bamalaika, ngama ka batɔ bakpukpu na ngama

wa makpamuka masi mo ngu nimo a kugu wa lisyε.

4

ɔbili wambiya

¹ A beyo, Kilisito igyogyisoni ndi ka nzuyi, wikoni goni ibunu bakitulya kaigyogyiso mudoṅṅoni abe iyi. Mutu nino igyogyiso ka nzuyi, kidukulogigu bata kagya bunye.

² Ka masye mi nimo motigoli na imu kunu ka obili, wikoni kawa kagya beyo Kunzi iko mino kapa ka obili kunu. Makikonitogu bata kagya masasa manye ma nzuyi.

³ A beyo, molyoni ndi ngbingo mudingi kagya likpamuka nilo batu nibo bakamibigu Kunzi bapaga. Mikaga ndi kakpakyana gballi, masasa manye mutumo bidε, libuma, manubino bodumo banye nibo bamumukanaga mino komwo na kagya likpamuka lanye, na kobibiso gbilito. Niyο a likpamuka lo suni.

⁴ Mbiya wanu likpamuka umbongini batu bi nibo bakamibigu Kunzi kye bakegu bata kamumina pa imoti na ibu ka likpamuka lanye. Kinili bikaga kamubinikilya makpamuka bitititi.

⁵ Luki limoti, basambatε ndeke kambwa ko Kunzi ka masi nimo bagya ndi. A beyo, a wakitulya kausombiso batu nibo bubisi na nibo bokwogoni ndi.

⁶ Kinili Kilisito abikyaga ndi goni mino Mongoni Manza ka batu nibo bokwoni ndi. Busombisa ndi ko bulya makpamuka nimo bagya ndi wa ba ndi mino ka obili. Luki

limoti, mbiya wanu, ko pisi ya Limbengi-Lotu, bakwananatu kuwa kaiko na yigya niyo Kunzi apaga.

Ɔbili ka batu ko Kunzi

⁷ Mulifo ma makpumuka masi a kuwa buwobi. Wikoni neki na tamanaga yanza, mika kaiminya iba wikonito bakitulya kalamba.

⁸ Kambwa wa likpumuka lasi, ponononi luga kunu kugbe kye sipananiso otikyogo bunye bakpu.

⁹ Tilyononi luga kunu binza kani makegu no miso mundindilo.

¹⁰ Mutu yikaka-yikaka abisi aperse nino Kunzi apa ndi kausingyo bengeri. Mika kuwa bagyaligubo banza nibo bobuulyaga bapere dididi nibo Kunzi amulupyaga.

¹¹ Mutu nino a na aperse kabikyaga Likpumuka ko Kunzi, abikyagi. Nino a na aperse mugugubyo bengeri ugugubyi no ngu niyo Kunzi apa ndi. Kuwa wa, Kunzi avi ibiba ka bopisi baya makpumuka masi, pisi ka Yeso-Kilisito nino a na ibiba no ngu ka benze na benze! A asi beyo aka yo.

A binza kaigyogya abe mukilisito

¹² Ibunu bomika-mama bupakaaa, likpumuka kamumbongonito ko bulya yigyogyiso yapu niyo makalya. Makinonitogu abe kiko likpumuka limbanga lo akamugya.

¹³ Luki limoti, gwoni magyagya kye makaigyogyiso mudongoni abe Kilisito. Kinili mogwa

ndeke magyagya mudingi wa inisono ndeke mino ka ibiba kaki.

¹⁴ Iggyagya kunu, kika kani bakamutumbwa ko bulya ka Kilisito. A beyo, Limbengi la ibiba nilo a Limbengi ko Kunzi a kuso kunu.

¹⁵ Gutugu mutu bemoti luga kunu kigyogyisonito abe mumwo bambanzu, ikani abe mutu wo kubaku, ikani abe mugya-manye ikani abe mutu wa kidailya likpumuka ka batu bagogo.

¹⁶ Luki limoti, mumbanzu kika kaigyogyiso kye a mukilisito, kinonito suni, abibisi Kunzi nino apa lino li nilo.

¹⁷ Ngbingo musombiso odunuku, livananza ko Kunzi lo apunga kaika ko ngbongu. Luki limoti, kipunga na ibusu, opipilo kuwa buni ka nibo bakapagu bakabailya Mongoni Manza?

¹⁸ A beyo Mobiso ko Kunzi abikya mino be: «Kika kani mutu wongbingbili oukogini pisi ka bukpeki-kpeki, ika kuwa buni ka nibo bamuya Kunzi na batu ba bunye?»

¹⁹ Kinili, okwononi be batu nibo bakaigyogyiso kye bakagya nilo Kunzi apaga, bidukulogi kagya bunza aka. Bobisi obili kabu ka maboku ko Kunzi nino ugya kye utulyosogo bagume kaki basi.

5

Mutu ko bulya ka bazee ba kanisa

¹ Na kuwa kaubikya bazee ba kanisa nibo ba luga kunu mbiya wanu. Imi mombukwana-daki yi na muzee abe ibunu goni. Ninatu ndi no

miso igyogyiso ka Kilisito. Kinili nikatɔ ndeke na pa wa ibiba kaki ipupiso ndeke mino. Nakapa kamɔbikya be:

² Mubuuilyogoni ambaza ninɔ Kunzi amɔpá mɔdɔngɔni beyɔ bobubulyo ba banyama bagyaga mino. Makogyonitɔ ligubo be kye samukpomyi kayapɔ, luki limoti, gyoni na limbengi lanza beyɔ Kunzi apaga mino. Makogyonitɔgɔ ligubo kye minisoni no bui, luki limoti gyoni pisi kaipá.

³ Makokisonitɔgɔ kaiva abe bangama kɔgɔ ka batɔ bi nibɔ Kunzi amɔpá. Luki limoti, wikoni likingyosi lanza ka ambaza.

⁴ Ko ngbingo yi ninɔ Ngama ka bobubulyo odoku ndeke mino, mibanga kɔwa ndeke begbegbe baya ibiba nibayɔ kapɔtikanigɔ ndeke.

⁵ A mɔdɔngɔni begyɔ, ibunu bawanza, hubongoni bambɔkɔ. Ibunu basi miko na limbengi la kisiso luga kunu kye Mɔbiso abikya be: «Kunzi ulananaga na batɔ ba kibinika, luki limoti, udukulyogo batɔ ba kisiso buɔɔnga.»

⁶ Wisisoni neki kambwa ko Kunzi ninɔ wo ngu, iba amɔbiniki ndeke ka lisyɔ nilɔ awanyaga ndi lo.

⁷ Bisoni buti ba mambengi kunu ka maɔkɔ kaki kye asyɛɛ limbengi ku kunu.

⁸ Wiminyonito, makololonitɔgɔ! Kye mu-muyoniso kunu beyɔ ka Abili akaamama bigbagbagba kani analungikyana abe kpwingi, kakisa mutɔ yi ninɔ alya.

⁹ Bisoni na iyi dongoso, mitikityaga ka baya. Wiboni ambe bomomonu bakaigyogyiso ka obili wasi begeyo.

¹⁰ Migyogyisatu mbeyi bata ko ngbinga mukede. Luki limoti Kunzi wa iziyo amumaka kogulya ka ibiba ya benze na benze pisi ka matikana na Yeso-Kilisito. Kawa wa gu wa, amudwisatu ka mulibo, amungotiso, amupa ngu, amumomosa kani makega kapika bipেকেপেকে.

¹¹ Iyi no a no ngu ka benze na benze! A asi beyo aka yo.

Yuuso ya mulibo

¹² Sila nino a mika-mama wa limbengi no etungbuli bi kamukpikilya igbutu ya balawa yi nima. Nopo kamutumisa mambengi na kamubikya ambe niyo a iziyo ya linguna ko Kunzi, wigwinonogoni na iyu aka.

¹³ Kanisa ya Babiloni, niyo Kunzi apunaga abe ifunu, amumuusogito. Gutugu mikami aka beyo ka Maliko, amumuusogito goni.

¹⁴ Tilyononi, mopututonogo luga kunu abe bomika-muko.

Maziyo iki pa imoti na ifunu batu ka Kilisito basi.

AGUMƐ WAMBIYA

Lika: AGUMƐ WAMBIYA (New Testament+)

copyright © 2019 Wycliffe Bible Translators, Inc.

Language: Lika

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 1 Oct 2024 from source files
dated 29 Jan 2022

f796df90-b7da-5393-9b93-c756eba4e5d6